

曰可市飲乎太祖曰可與趙學究同之希夷脾睨韓王曰也得也得既入酒舍韓王足痺偶坐席左陳怒曰紫微垣一小星輒據上次可乎斥之便居席右

李虞論語顧歡孝經

逸史信州李虞員外與楊稜遊華山俄至一小洞見川巖草木不似人間有紫衣人邀入居處若公府多竹屋室甚潔自言姓杜名子華因避世便遇仙侶居此已數百年矣因留宿飲饌皆甚精豐肉有駝羊其狀如牛書有論語留連累日各遺銀器數事遣使者導之而返曰此可住否二子色難子華笑執手而別後尋其洞穴不可見矣

道藏輯要

三洞群仙錄

臺

翼集五
X。X

道學傳宋顧歡善道術弟子鮑雲綬門前有一株木大十餘圍上有精魅歡印木木即枯死又有病邪者問歡歡曰家有何書答曰唯有孝經歡曰可取仲尼居置病人枕邊恭禮之自差而後病者果愈

王遠題門隱容濬井

王氏神仙傳王遠字方平明天文圖讖逆知吉凶漢武帝問災祥不答乃題宮門四百餘字預說方來帝惡之令人削除外字雖滅內字復見墨迹徹入板裏

廣記房州竹山縣陰隱容家濬井千餘尺而無水工人捫壁見別一天地日月世界榜曰天柱山門內兩童皓齒鬢鬢問